

## Äмтнä сä хäädжäхш

Танъгъчин хотл балгъсн — Элстин аэропортас öдр болгън оln үзгүр самолетс ниснä. Декабрин 6-с авн эклäd Элст Ääдрхн хоорнд тасрхан уга самолет нисдг болв. Шидрäs бас кесг оln балгъсд Хальмгин хотл балгъсн — Элст хоорнд агъарин залгълдаг öргджäх темдглгдджәнä.

Болв, самолетär нисдж ирсн улс амрар балгъснд күрч чадцхахш. Автобусмуд (нам таксин тускар келäd керг уга) аэропорт — балгъсн хоорнд гүүхш. Эн учрар нисдж ирсн улс хойр километр-шаху газрт

хош-хорагъан бийсдән үүрчкäd, йовгъар йовцхах болна.

Элст — аэропорт — Элст хоорнд автобус йовуллгъна туск төр автотранспортн конторин öмн кесг дакдж тävгдв. Болв эн төр нег ормасн кöндрхш, АТК-н начальник үр Годин күч-кöлсчирин некврт онъган öгхш.

Балгъсн аэропорт хойрин хоорндк хаалгъиг ода күртл эс ясдгт горкомунхоз гемтä гидж келх кергтä.

**Л. КОШЕНКО.**

„Легкий кавалерин“ штабин

начальник.